

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADONAČELNIK**

Broj: 02-45-23027/22-1
Zenica, 23.11.2022. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", broj: 12/03, 34/03 i 65/13), člana 234. i 247. Zakona o privrednim društvima ("Službene novine Federacije BiH", broj: 81/15 i 75/21), člana 28., 29. i 31. Statuta Javnog preduzeća „Parking servis“ d.o.o Zenica („Službene novine Grada Zenica“, broj: 8/18 i 8/22) i Odluke Gradonačelnika o raspisivanju Oglasa za izbor i imenovanje članova Nadzornog odbora Javnog preduzeća „Parking servis“ d.o.o. Zenica broj: 02-45-23027/22 od 10.11.2022. godine, Gradonačelnik Grada Zenice objavljuje

O G L A S

**za izbor i imenovanje članova Nadzornog odbora Javnog preduzeća
„Parking servis“ d.o.o. Zenica**

Objavljuje se Oglas za izbor i imenovanje članova Nadzornog odbora Javnog preduzeća „Parking servis“ d.o.o. Zenica.

Nadzorni odbor Javnog preduzeća „Parking servis“ d.o.o. Zenica se sastoji od tri člana (predsjednik i dva člana).

Mandat predsjednika i članova Nadzornog odbora je četiri godine, uz mogućnost ponovnog imenovanja.

I OPIS POZICIJE

Nadzorni odbor Javnog preduzeća „Parking servis“ d.o.o. Zenica ima sljedeće nadležnosti: nadzire poslovanje Društva, usvaja poslovne strategije Društva i planove poslovanja, te predlaže Skupštini društva usvajanje trogodišnjeg plana poslovanja; nadzire rad Uprave; utvrđuje prijedloge Statuta i Poslovnika o radu Skupštine, Nadzornog odbora i Odbora za reviziju i njihove izmjene i dopune i predlaže ih Skupštini; priprema Etički kodeks i predlaže ga Skupštini; bira predsjednika i zamjenika Nadzornog odbora; vrši izbor kandidata Odbora za reviziju i podnosi prijedlog za njegovo imenovanje Skupštini; razmatra Pravilnik o javnim nabavkama i nadzire njegovo provođenje; daje mišljenje Skupštini o prijedlogu Uprave za raspodjelu dobiti; predlaže način pokrića gubitka; bira članove Uprave i na osnovu prethodne saglasnosti Gradonačelnika iste imenuju i razrješava; utvrđuje visinu plaće Upravi društva, daje ovlaštenja za aktivnosti koje su ograničene propisima Zakona o javnim preduzećima; daje upute direktoru za provođenje preporuka u vezi sa uočenim nepravilnostima od strane Odbora za reviziju i vanjskog revizora, te nadzire Upravu u provođenju istih; usvaja izvještaj Uprave o poslovanju po polugodišnjem i godišnjem obračunu, sa bilansom stanja i bilansom uspjeha i izvještajem Odbora za reviziju, podnosi Skupštini izvještaj o poslovanju Društva, koji uključuje finansijski izvještaj i izvještaj revizora, Nadzornog odbora i Odbora za reviziju, odobrava kupovinu, prodaju, zamjenu, uzimanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne godine u obimu od 15% do 33% knjigovodstvene vrijednosti ukupne imovine Društva, po bilansu stanja na kraju prethodne godine; predlaže Skupštini kupovinu, prodaju, zamjenu, uzimanje u lizing, uzimanje kredita i druge transakcije imovinom, direktno ili posredstvom supsidijarnih društava u toku poslovne

godine u obimu većem od 33% knjigovodstvene vrijednosti ukupne imovine Društva, po bilansu stanja na kraju prethodne godine; imenuje povremene komisije i utvrđuje njihov sastav i zadatke; obavlja i druge poslove predviđene zakonom i statutom.

Kandidati za imenovanje na poziciju člana Nadzornog odbora moraju ispunjavati:

- opće i
- posebne uslove.

II Opći uslovi za imenovanje su:

1. da je stariji od 18 godina,
2. da je državljanin Bosne i Hercegovine,
3. da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od 3 godine prije objavljivanja upražnjenje pozicije,
4. da nije pod optužnicom Međunarodnog suda za ratne zločine u bivšoj Jugoslaviji (član IX.1. Ustava Bosne i Hercegovine),
5. da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije BiH („Službene novine Federacije BiH“, broj: 12/03, 34/03 i 65/13),
6. da nema privatni-finansijski interes u društvu u čiji se nadzorni odbor kandiduje,
7. da nije izabrani zvaničnik, nosilac izvršnih funkcija ili savjetnik izabranim zvaničnicima i nosiocima izvršnih funkcija u smislu Zakona o sukobu interesa u organima vlasti Federacije BiH ("Službene novine Federacije BiH", broj: 70/08),
8. da nije član nadzornog ili upravnog odbora ili odbora za reviziju ili skupštine, uprave ili menadžmenta, niti u svojstvu ovlaštene osobe nekog privrednog društva ili institucije,
9. da nije osuđivan za krivično djelo i za prekršaj nespojiv sa dužnošću u nadzornom odboru, pet godina od dana pravosnažnosti presude, isključujući vrijeme zatvorske kazne,
10. da nije lice kojem je presudom suda zabranjeno obavljanje aktivnosti u nadležnosti nadzornog odbora,
11. da nije stariji od 70 godina na dan imenovanja.

III Posebni uslovi za imenovanje:

- VSS-VII stepen stručne spreme, odnosno visoko obrazovanje prvog, drugog ili trećeg ciklusa Bolonjskog sistema studiranja,
- najmanje tri (3) godine radnog iskustva u struci nakon sticanja visoke stručne spreme, odnosno visokog obrazovanja,
- da posjeduje certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti potpisanu i ovjerenu izjavu od strane nadležnog organa kojom se obavezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,

- sposobnost za savjesno, odgovorno i odlučno obavljanje upražnjene pozicije,
- sposobnost nepristrasnog donošenja odluka,
- komunikacijske i organizacijske sposobnosti,
- rezultati rada ostvareni tokom poslovne karijere,
- da posjeduje znanje iz oblasti rada i organizacije komunalnih preduzeća,
- preporuke ranijih neposrednih rukovodilaca.

IV Potrebni dokumenti:

Svojeručno potpisana prijava kandidata treba da sadrži kraću biografiju, adresu i kontakt telefon.

Uz potpisanu prijavu kandidat treba dostaviti:

1. diplomu o završenom visokom obrazovanju,
2. dokaz o traženom radnom iskustvu (potvrda iz koje se može utvrditi radno mjesto, tražena stručna sprema za radno mjesto i dužina radnog iskustva),
3. uvjerenje o državljanstvu (ne starije od 6 mjeseci),
4. certifikat o završenom usavršavanju izdat od strane nadležnog organa, u skladu sa odredbama Uredbe o usavršavanju predsjednika i članova nadzornog odbora i uprava privrednih društava sa učešćem državnog kapitala ("Službene novine Federacije BiH", broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22).

Ukoliko kandidat ne posjeduje certifikat, dužan je dostaviti potpisanu i ovjerenu izjavu od strane nadležnog organa kojom se obvezuje da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o svom statusu kao kandidatu u postupku usavršavanja iz člana 7a. Uredbe,

5. potpisanu i ovjerenu izjavu kandidata o činjenicama nabrojanim u tačkama 3. do 8. Općih uslova Oglasa (sve navedene izjave mogu biti tekstualno sadržane na jednom ovjerenom listu i ne smiju biti starije od datuma objave ovog Oglasa).

Uvjerenja kojima se dokazuje ispunjenost općih uslova za imenovanje iz tačke 9. i 10. Općih uslova Oglasa, odgovorni javni službenik će zatražiti od kandidata koji budu predloženi za konačno imenovanje. Kandidati koji budu izabrani dužni su dostaviti tražena uvjerenja u roku od 10 dana od dana izbora i ista ne smiju biti starija od datuma objavljivanja Oglasa.

Dokumenti koji se prilažu uz prijavu moraju biti originali ili ovjerene kopije.

Oglas za podnošenje prijave ostaje otvoren 15 dana od dana posljednjeg objavljivanja, a isti će biti objavljen u „Službenim novinama Federacije BiH“, dnevnom listu „Oslobođenje“ i na web stranici Grada Zenica.

Neblagovremene, neuredne i nepotpune prijave neće se uzeti u razmatranje.

Kandidati koji ispunjavaju uslove Oglasa bit će telefonski i pismeno obaviješteni o mjestu i vremenu obavljanja intervjua.

Prijavu sa potrebnom dokumentacijom dostaviti lično na protokol Grada Zenica ili preporučeno poštom na sljedeću adresu:

**"Prijava na Oglas za izbor i imenovanje članova
Nadzornog odbora Javnog preduzeća Parking servis d.o.o. Zenica
- NE OTVARATI"
GRAD ZENICA
Služba kabineta Gradonačelnika
- Komisija za izbor -
Trg Bosne i Hercegovine broj 6.
72 000 Z e n i c a**

**GRADONAČELNIK
Fuad Kasumović**